



Na osnovu člana 22 Statuta Brčko distrikta BiH («Službeni glasnik Brčko distrikta BiH» broj 17/08), Skupština Brčko distrikta BiH, na 69. redovnoj sjednici održanoj 11. juna 2008. godine, usvaja

## **Z A K O N**

### **O IZMJENAMA I DOPUNAMA ZAKONA O ZAPOŠLJAVANJU I PRAVIMA ZA VRIJEME NEZAPOSLENOSTI**

#### **Član 1**

U Zakonu o zapošljavanju i pravima za vrijeme nezaposlenosti („Službeni glasnik Brčko distrikta BiH“, brojevi: 33/04 i 19/07) u članu 1 riječ: „uređuje“ zamjenjuje se riječju: „propisuje“, a iza riječi: «Zavoda za zapošljavanje» dodaju se riječi: «Brčko distrikta BiH (u daljnjem tekstu: Zavod)».

#### **Član 2**

U članu 4 stavu 3 riječi: „Brčko distriktu BiH“ zamjenjuju se riječju: „Distriktu“.

#### **Član 3**

U članu 6 stavu 1 riječi: „za zapošljavanje Brčko distrikta BiH (u daljnjem tekstu: Zavod)“ se brišu.

#### **Član 4**

U članu 15 stavu 2 iza riječi: „zapošljavanje viška zaposlenih“, dodaju se riječi: „posebni projekti zapošljavanja i osposobljavanja za rad civilnih žrtava rata“.

#### **Član 5**

U članu 24 stavu 2 riječi: „Uprave prihoda“, zamjenjuju se riječima: „Direkcije za finansije“.

#### **Član 6**

U članu 27, iza stava 2 dodaje se novi stav 3 i glasi:

„Ukoliko se nezaposlenom ne može obezbijediti ostvarenje prava iz stava 1 tačke 3 ovog člana, u skladu sa entitetskim propisima, novčana naknada će se uvećati za pripadajući iznos predviđen za ostvarenje ovog prava“.

Dosadašnji stav 3 postaje stav 4.

Dosadašnji stav 4 postaje stav 5, mijenja se i glasi:  
„Uslove i način za ostvarivanje prava iz stava 4 ovog člana uređuje Zavod općim aktom, u zavisnosti od osiguranih sredstava u tekućoj budžetskoj godini u budžetu Distrikta i Zavodu.“

#### **Član 7**

U članu 28, iza stava 3 dodaje se novi stav 4 i glasi:

„Način i uslove ostvarivanja prava iz stava 3 ovog člana utvrđuje Zavod općim aktom“.

#### **Član 8**

U članu 32 tačka: „(.)“ na kraju ovog člana zamjenjuje se zarezom: „(,)“ i dodaju riječi: “pod uslovom da se prijavi zavodu u roku od 30 dana”.

#### **Član 9**

U članu 33 tačka: „(.)“ na kraju ovog člana zamjenjuje se zarezom: „(,)“ i dodaje alineja koja glasi:  
„- umre.“

#### **Član 10**

U članu 34 iza riječi: „njega“, briše se tačka: „(.)“, dodaje zarez: „(,)“ i riječi: “pod uslovom da se prijavi Zavodu u roku od 30 dana od dana sticanja statusa nezaposlenog, u smislu ovog zakona“.

#### **Član 11**

U članu 36 stavu 2 riječi: „u mjesecu koji prethodi donošenju rješenja“ zamjenjuju se riječima: „utvrđene prema posljednjem podatku koji je objavila nadležna institucija za poslove statistike u Distriktu“.

#### **Član 12**

U članu 39, iza stava 1 dodaje se novi stav 2 i glasi:

„Zdravstveno osiguranje nezaposlenog lica koje ne prima novčanu naknadu finansira se iz budžeta Distrikta.“

Dosadašnji stav 2 postaje stav 3.

#### **Član 13**

Član 43 mijenja se i glasi:

- (1) Zavodom za zapošljavanje upravlja Upravni odbor.
- (2) Upravni odbor se sastoji od pet članova, i to:

- 1) dva člana, državna ili javna službenika zaposlena u Vladi Distrikta, pravne i ekonomske struke sa VSS, koji posjeduju iskustvo u oblasti rada i zapošljavanja, uključujući rukovodeće državne ili javne službenike;
  - 2) jednog člana, predstavnika nezaposlenih;
  - 3) jednog člana, predstavnika Udruženja poslodavaca ili Privredne komore;
  - 4) jednog člana, predstavnika Sindikata.
- (3) Članove Upravnog odbora imenuje gradonačelnik, na osnovu obavezujuće preporuke komisije za izbor kandidata za članove Upravnog odbora, nakon provedenog postupka javnog konkursa u skladu sa Statutom i zakonima Distrikta.
- (4) Članovi Upravnog odbora između sebe biraju predsjednika, većinom glasova.
- (5) Upravni odbor je za svoj rad odgovoran Skupštini Distrikta.
- (6) Skupština usvaja godišnje izvještaje Zavoda.
- (7) Upravni odbor ili pojedine članove Upravnog odbora razrješava Skupština Distrikta po vlastitoj inicijativi, na prijedlog Vlade Distrikta ili Upravnog odbora.
- (8) Skupština Distrikta razrješava Upravni odbor ili pojedine članove Upravnog odbora, tropetinskom većinom glasova.
- (9) Mandat sadašnjih članova Upravnog i Nadzornog odbora Zavoda prestaje danom imenovanja novih članova Upravnog i Nadzornog odbora.

#### **Član 14**

U članu 44 stavu 1 tački 1 riječi: "uz saglasnost gradonačelnika" se brišu. Tačka 10 u istom članu se mijenja i glasi: "imenuje i razrješava direktora Zavoda".

U istom članu tačka 11 se briše.  
Dosadašnja tačka 12 postaje tačka 11.

#### **Član 15**

U članu 46, iza riječi: „imenuje“ dodaju se riječi: "i razrješava".

#### **Član 16**

U članu 48 stav 2 mijenja se i glasi: "Direktora Zavoda imenuje Upravni odbor Zavoda nakon provedenog postupka javnog konkursa u skladu sa Statutom i zakonima Distrikta."

#### **Član 17**

U članu 50 poslije riječi: "imenuju se" dodaju se riječi: "nakon provedenog postupka javnog konkursa".

U istom članu poslije stava 1 dodaje se novi stav 2 koji glasi:  
„Po isteku perioda iz stava 1 ovog člana, mogu biti ponovo imenovani, s tim da ne mogu biti imenovani više od dva puta“.

#### **Član 18**

U članu 57 stavu 1, poslije tačke 2 dodaje se nova tačka 3 koja glasi:  
„ 3) o nezaposlenima koji su se prijavili na Zavod radi ostvarivanja drugih prava, a ne radi traženja zaposlenja“.

Dosadašnja tačka 3 postaje tačka 4.

### **Član 19**

Član 58 mijenja se i glasi:

- (1) „Nezaposleni koji stekne status iz člana 33 stava 1 alineja 6, 7, 8, 9, 10 i 14 ovog zakona briše se iz aktivne evidencije Zavoda i ima pravo da ponovo bude uveden u evidenciju po isteku roka od šest mjeseci, od dana brisanja iz evidencije.
- (2) Nezaposlenom licu sa evidencije Zavoda, koje postane potpuno nesposobno za rad u skladu sa Zakonom, refundiraju se troškovi ljekarske obrade u punom iznosu, pod uslovom da ovi troškovi nisu obuhvaćeni obaveznim zdravstvenim osiguranjem.
- (3) Evidencija o nezaposlenom prestaje da se vodi ako nezaposleni stekne status iz člana 33 stava 1 alineja 1, 2, 3, 4, 5, 11, 13 i 15.“

### **Član 20**

U članu 59 stavu 1 riječi: „Apelaciona komisija“ zamjenjuju se riječima: „Upravni odbor Zavoda“.

### **Član 21**

U članu 60 riječi: „Odjeljenje za javnu sigurnost“ zamjenjuju se riječima: „organ uprave nadležan za inspekcijske poslove“.

### **Član 22**

Ovaj zakon stupa na snagu osmog (8.) dana od dana objavljivanja u „Službenom glasniku Brčko distrikta BiH“.

Broj: 01-02-110/08  
Brčko, 11. juna 2008. godine

**PREDSJEDNIK**  
**SKUPŠTINE BRČKO DISTRIKTA BiH**  
Prof. dr. Milan Tomić, s.r.